

Tenaga terlatih jadi faktor penting — Datuk Musa

BILANGAN INSTITUSI KEMAHIRAN DITAMBAH

KUALA LUMPUR. Isnin — Timbalan Perdana Menteri, Datuk Musa Hitam hari ini mengumumkan langkah kerajaan menambah bilangan institusi-institusi pengajian kemahiran dan profesional di samping menambatkan keupayaan institusi yang ada bagi menjamin keperluan tenaga mahir yang cukup untuk pembangunan negara.

Katanya, keperluan tenaga kemahiran yang terlatih, profesional, separuh profesional, teknik dan separuh mahir merupakan faktor terpenting menjamin kejayaan pembangunan sesebuah negara.

Melihat keadaan inilah, katanya, kerajaan akan menambahkan bilangan lulusan ijazah dari 4,300 pada tahun 1981

kepada 6,200 pada tahun 1985 dan pemegang diploma dari 4,200 kepada 6,000 dalam masa yang sama.

"Sejumlah kira-kira 27,400 pemegang ijazah dan 25,600 diploma, separuh darinya dalam bidang sains dan teknikal, akan dikeluarkan sepanjang Rancangan Malaysia Keempat."

Kesan

Demikian ujar Datuk Musa Hitam ketika merasmikan persidangan Pertubuhan Pembangunan dan Latihan Wilayah Asia Selatan (ARTDO) di sini hari ini.

Menurut beliau, kekurangan kakitangan yang terlatih yang wujud seiring dengan masalah pengangguran memberi kesan serius terhadap pelaksanaan rancangan-rancangan pembangu-

nan.

Oleh itu, tambah beliau, keupayaan melatih bagi jabatan-jabatan kerajaan akan diperbaiki dan diperluaskan lagi supaya mengeluarkan lebih banyak kepakaran teknik, tenaga profesional dan pengurusan di kalangan kakitangan sektor awam.

"Latihan kemahiran dan separuh mahir peringkat sijil persekolahan juga akan dibanyakkan lagi sepanjang RME, m e m a n d a n g k a n keperluan pekerja mahir di bidang pembuatan, binaan dan industri berat yang meningkat.

"Langkah ini boleh tercapai dengan menambatkan lagi bilangan serta keupayaan latihan vokasional, institusi latihan perindustrian dan pusat-pusat latihan bella," ujarnya.

Datuk Musa selanjut-

nya mengesyorkan supaya badan-badan yang menganjurkan latihan menggunakan pendekatan kolektif dan saling bekerjasama supaya ke-p a k a r a n yang dikeluarkan seimbang dengan keperluannya.

"Badan penasihat perlu diwujudkan untuk sektor-sektor tertentu seperti industri, binaan, kejuruteraan, perlombongan dan perdagangan supaya pendekatan kolektif dapat dibuat bagi mengatasi segala isu yang timbul berhubung dengan tenaga manusia," tambah beliau.

Menyentuh prejudis terhadap kerja-kerja buruh, Datuk Musa menegaskan, kerajaan m e m a n d a n g b e r a t terhadap masalah ini kerana ia boleh mengganggu perkembangan ekonomi.